



Dita e Arafatit

الحمد لله و صلى الله و سلم على نبينا محمد .أما بعد

VLERA DHE MIRËSIA E DITËS SË ARAFATIT

- Dita e Arafatit është ditë e madhe, ditë e begatë, ditë e zgjedhur tek All-llahu i Lartësuar.
- Në ditën e Arafatit, All-llahu e plotësoi fenë e Tij, dhe mirësinë e Tij ndaj njerëzve.

Ka transmetuar BUKHARI dhe MUSLIMI se një person prej jehudive i tha Umerit:

يا أمير المؤمنين آية في كتابكم تقرءونها، لو علينا معشر اليهود نزلت لاتخذنا ذلك اليوم عيداً
قال: أي آية؟ قال ((اليوم أكملت لكم دينكم و أتممت عليكم نعمتي و رضيت لكم الإسلام دينا))
قال عمر: قد عرفنا ذلك اليوم و المكان الذي نزلت فيه على النبي صلى الله عليه وسلم: و هو قائم بعرفة يوم الجمعة
(O prijësi i besimtarëve! Një ajet në librin tuaj që e lexoni; sikur të kishte zbritur te ne jehuditë, do t'a bënim atë ditë, ditë feste.

Tha Umeri: cili është ai ajet?

Tha: ((Sot jua kam plotësuar fenë tuaj dhe e kam plotësuar mirësinë Time ndaj jush))

Tha Umeri: e dimë se cila është ajo ditë.

E dimë edhe vendin ku i ka zbritur Profetit sal-lall-llahu alejhi ue sel-lem.

Ai ka qenë në Arafat ditën e Xhuma.)

- Dita e Arafatit është ditë feste për ata që janë në Haxh. Profeti sal-lall-llahu alejhi ue sel-lem thotë:

يوم عرفة و يوم النحر و أيام التشريق عيدنا أهل الإسلام وهي أيام أكل و شرب

((Dita e Arafatit, dita e Kurbanit, dhe ditët e Teshrikut janë festa jonë, e ithtarëve të Islamit. Ato janë ditë ngrënje dhe pirje))

[Termidhiu. Shejkh Albani thotë: hadith hasen]

- Dita e Arafatit është ditë në të cilën betohet All-llahu i Madhëruar. Thotë All-llahu:

{و اليوم الموعود و شاهد و مشهود}

{Betohem në ditën e premtuar و dhe në dëshmitarin dhe të dëshmuarin}

Profeti sal-lall-llahu alejhi ue sel-lem ka thënë:

(اليوم الموعود يوم القيامة، و اليوم المشهود يوم عرفة و الشاهد يوم الجمعة)

((Dita e premtuar është dita e kijametit. Dita e dëshmuar është dita e Arafatit. Dëshmitari është dita e Xhuma))

[Termidhiu. Shejkh Albani thotë është hadith hasen]

- Dita e Arafatit (në mendimin e disa dijetarëve) është tekun në të cilin betohet All-llahu تعالى ((و الشفع و الوتر)) {Betohem në çiftin dhe tekun}

Ibn Abassi (radijall-llahu anhumu) ka thënë:

"Çifti është dita e Kurbanit. Teku është dita e Arafatit."

Të këtij mendimi janë Ikrime dhe Dahhak prej tabiinëve.

- Dita e Arafatit është ditë e madhe e ritualit të Haxhit

Nuk ka haxh pa qëndrimin në Arafat. Profeti sal-lall-llahu alejhi ue sel-lem thotë:

الحج عرفة

((Haxhi është Arafat))

Dmth: nuk ka haxh pa arafat.

- Dita e Arafatit është ditë në të cilën All-llahu - Subhaneh - zbret dhe afrohet te Haxhilerët. Dhe krenohet (mburret) me haxhilerët te melaiket.

Profeti sal-lall-llahu alejhi ue sel-lem ka thënë:

!ما من يوم أكثر من أن يُعَتَّقَ الله فيه عبدا من النار من يوم عرفة، وإنه ليدنو ثم يباهي بهم الملائكة فيقول ما أراد هؤلاء؟

((Nuk ka ditë në të cilën All-llahu liron robër nga zjarri më shumë se sa në ditën e Arafatit. Ai afrohet...))

[[Në një transmetim që e konsideron të saktë Shuajb Arnauti]]:

ان الله ينزل الى السماء الدنيا فيباهي بهم الملائكة

[[((Ai zbret në qiellin e dunjasë dhe mburret te melaiket))]]

Dhe thotë: ç'farë deshirojnë këta?!))

Në një hadith thotë:

إن الله تعالى يباهي ملائكته عشية عرفة بأهل عرفة فيقول: انظروا إلى عبادي أتوني شعثاً غبراً

((All-llahu i Lartësuar krenohet (mburret) te melaiket e Tij (me haxhilerët) pasditen e Arafatit.

Thotë: "Shikoni robërit e Mi. Kanë ardhur te Unë (dmth: te shtëpia e shenjtë, në haxh) me flokë të shprishura dhe të pluhurosur."))

[AHMED I. Shejkh Albani thotë se është Sahih (i saktë)]

Në një transmetim:

((Ju thotë All-llahu melaikeve:

اشهدوا ملائكتي أني قد غفرت لهم

"Dëshmoni o melaiket e Mi se Unë i kam falur ata."))

-- Kjo zbritje dhe afrim i All-llahut është i veçantë për haxhilerët në Arafat.

- Dita e Arafatit është ditë falje mëkatesh dhe lirim nga zjarri.

-- Ibn Rexheb thotë: "Lirimi nga zjarri përfshin ata që janë në arafat, dhe të gjithë besimtarët në të gjitha vendet."

[Letaaiful Maarif]

AGJËRIMI I DITËS SË ARAFATIT

Agjërimi i ditës së Arafatit shlyen mëkatet e dy viteve.

Profeti sal-lall-llahu alejhi ue sel-lem u pyet për agjërimin e Arafatit, tha:

((يكفر السنة الماضية و الباقية))

و في رواية:

((احتسب على ان يكفر السنة التي قبله والسنة التي بعده))

((Agjërimi i ditës së Arafatit shlyen mëkatet e vitit para tij dhe vitit pas tij))

Kjo tregon për vlerën e madhe të kësaj dite, dhe vlerën e madhe të agjërimin të kësaj dite.

Shumica e dijetarëve thonë: “Nuk është i pëlqyer agjërimi i ditës së Arafatit për atë që është në haxh.”

Thotë Ibn Uthejmini:

أما الحاج فإنه لا يسن له صوم يوم عرفة

لأن النبي صلى الله عليه وسلم كان مفطرا يوم عرفة في حجة الوداع.

"Sa i përket personit që është në haxh, nuk është prej sunnetit që të agjëroje ditën e Arafatit; sepse Profeti sal-lall-llahu alejhi ue sel-lem nuk e ka agjëruar ditën e Arafatit në haxhin e lamtumirës."

DUAJA DITËN E ARAFATIT

Profeti sal-lall-llahu alejhi ue sel-lem ka thënë:

خير الدعاء دعاء يوم عرفة،

و خير ما قلت أنا و النبيون من قبلي : لا اله الا الله وحده لا شريك له له الملك وله الحمد وهو على كل شيء قدير.

((Duaja më e mirë është duaja e ditës së Arafatit. Më e mira që kam thënë unë dhe profetët para meje është LA ILAHE IL-LALL-LLAH UEHDEHU LA SHERIKE LEH, LEHUL MULKU UE LEHUL HAMDU, UE HUE ALA KUL-LI SHEJ'IN KADIR.))

Kuptimi i fjalës së Profetit: ((Duaja (Lutja) më e mirë është lutja në ditën e Arafatit))

Dmth: duaja që ka shpërblimin më të madh, dhe përgjigje të shpejtë është ajo në ditën e Arafatit.

Ndërsa fjala e Profetit sal-lall-llahu alejhi ue sel-lem:

((Më e mira që kam thënë unë dhe profetët para meje...)) - Dmth: Duaja më e mirë, apo dhikri më i mirë.

Disa dijetarë thonë: “Fjala Dua e përmendur në hadith është dhikër, por aludon për lutje.”

Disa dijetarë tjerë thonë: “Është dhikër, dhe është për qëllim duaja e adhurimit. Sepse duaja është dy lloje:

1) Duaja e kërkesës, kur ti i kërkon All-llahut.

2) Duaja e adhurimit, ku nëpërmjet adhurimit kërkon më tej shpërblim, falje, mëshirë, ndihmë, sukses etj.

Dhe në këtë rast duaja këtu është për qëllim dhikri.”

Disa dijetarë thonë: *“Është dhikër që hapet me të duaja.”*

Dmth: e thua këtë në fillim të duasë. Thuhet gjithashtu edhe gjatë duasë. Ose e kombinon, një herë dua, pastaj këtë dhikër, pastaj telbije.

Të gjitha këto mendime qëndrojnë.

A është duaja e Arafatit e veçantë vetëm për ata që janë në haxh apo është e përgjithshme?

Ka mospajtim:

Disa dijetarë thonë se lejohet edhe për ata që nuk janë në haxh, që të mblidhen dhe të luten në xhami, prej pas dreke. E quajnë ET-TE'RIF.

Më e sakta është që kjo gjë nuk është e ligjëruar siç thotë Bin Bazi etj.

Thotë Ibn Tejmije:

"Këtë gjë nuk e ka bërë Profeti sal-lall-llahu alejhi ue sel-lem, dhe as shokët e tij."

Prandaj, duaja e Arafatit është e veçantë vetëm për ata që janë në haxh!

All-llahu e di më së miri

Ai është më i Dijshmi

و الحمد لله رب العالمين
و صلى الله على نبيينا محمد وعلى آله و صحبه و سلم